

## **Վարկային պայմանների հարցման մեթոդական դրույթներ**

«Ն առևտրային բանկերի և վարկային կազմակերպությունների կողմից տրամադրվող վարկերի պայմանների» ՀՀ կենտրոնական բանկի հարցումն իրականացվում է եռամսյակային պարբերականությամբ՝ ՀՀ առևտրային բանկերի և վարկային կազմակերպությունների նախապես որոշված ընտրանքի համար: Հարցման մեթոդաբանությունը մշակվել է Եվրապական Կենտրոնական Բանկի կողմից իրականացվող համանման ուսումնասիրության հիման վրա (ECB Bank Lending Survey): Ընտրանքը կազմվում է այնպես, որ ապահովվի բանկերի և վարկային կազմակերպությունների վարկային պորտֆելի առնվազն 90% ծածկույթ:

Հարցման նպատակն է վարկերի տրամադրման ոչ տրոկոսային պայմանների, վարկային ծախսերի, շուկայի սպասումների և վարվող քաղաքականության շարժառիթների վերաբերյալ տեղեկատվության հավաքագրումը՝ վարկային շուկայում առաջարկի և պահանջարկի որակական միտումների, դրանց վրա ազդող գործոնների, ինչպես նաև շուկայի մասնակիցների կողմից ձևավորված սպասումների և վարքագծի գնահատումը: Գնահատականների վերլուծությունը հնարավորություն է տալիս դատողություններ կատարել վարկային շուկայի վերաբերյալ՝ դրամավարկային քաղաքականության մշակման և ֆինանսական կայունության ապահովման համատեքստում, ինչպես նաև հասկանալ և մեկնաբանել շուկայում տեղի ունեցող երևույթները և զարգացումները:

Հարցման ժամանակ հաշվի չի առնվում սեզոնայնությամբ պայմանավորված փոփոխությունները:

Առաջարկի վրա ազդեցություն թողած գործոնների ներգործությունը նկարագրելու համար օգտագործվել են հետևյալ նշանները՝

- 2 Չզալիորեն նպաստել է վարկավորման ընթացակարգերի խստացմանը
- 1 Մասնակիորեն նպաստել է վարկավորման ընթացակարգերի խստացմանը
- 0 Որևէ ազդեցություն չի ունեցել վարկավորման ընթացակարգերի փոփոխությունների վրա
- 1 Մասնակիորեն նպաստել է վարկավորման ընթացակարգերի դյուրացմանը
- 2 Չզալիորեն նպաստել է վարկավորման ընթացակարգերի դյուրացմանը:

Պահանջարկի վրա ազդեցություն թողած գործոնների ներգործությունը նկարագրելու համար օգտագործվել են հետևյալ նշանները՝

- 2 Էականորեն նպաստել է պահանջարկի նվազեցմանը
- 1 Մասնակիորեն նպաստել է պահանջարկի նվազեցմանը
- 0 Որևէ ազդեցություն չի ունեցել պահանջարկի վրա

1 Մասնակիորեն նպաստել է պահանջարկի աճին

2 Էականորեն նպաստել է պահանջարկի աճին:

Ամփոփ փոկոսային ցուցանիշները հաշվարկելիս, ինչպես նաև ընդհանուր եզրակացություններ կատարելիս՝ անհատական հարցվողների դրական կամ բացասական պատասխանները դիտվում են որպես փորձագետների կարծիք ՀՀ վարկային շուկայի վերաբերյալ և ամփոփվում են առանց յուրաքանչյուր հարցվողի վարկային պորտֆելի տեսակարար կշիռը հաշվի առնելու:

Ցուցանիշների ամփոփման ժամանակ հաշվարկվում է դրական և բացասական պատասխաններ փոկո հարցվողների քանակների փոկոսային հարաբերությունը ընդհանուր հարցվողների քանակի մեջ, իսկ զուտ փոկոսային հարաբերությունը հաշվարկվում է որպես դրական պատասխանների և բացասական պատասխանների տարբերության հարաբերակցությունը ընդհանուր պատասխանների մեջ:

Հարցման ամփոփ նյութում օգտագործվում են զուտ փոկոսային ցուցանիշներ, եթե այլ բան նշված չէ: